



KERATAN AKHBAR

AKHBAR	:	SINAR HARIAN		
TARIKH	:	9/12/2019	MUKA SURAT	: 36
JABATAN	:	PERHILITAN		
KLASIFIKASI	:	PERHATIAN		

Gajah jantan musnahkan kebun

Penduduk Kampung Air Kayan bimbang kehadiran haiwan liar itu sejak dua minggu lalu

SITI FATIHAH AWANG

TANAH MERAH

Penduduk di Kampung Air Kayan, Jedok, Tanah Merah di sini berasa terancam dengan kehadiran seekor gajah jantan yang memusnahkan kawasan kebun dan penempatan mereka.

Orang kampung yang menyedari kehadiran gajah tersebut sejak dua minggu lalu sudah bun-tu untuk bertindak bagi memastikan gajah tersebut tidak kembal-

li ke kawasan kampung itu.

Penduduk, Zakaria Yusoff, 50, berkata, walaupun kehadiran gajah di kampung tersebut bukanlah perkara baru namun setiap kali berlaku pelbagai tanaman musnah termasuklah kediaman orang kampung.

"Perkara ini sudah lima tahun berlaku tapi tiada jalan penyelesaian lagi. Kali terakhir gajah ini masuk dan memusnah tanaman penduduk pada November 2017 sehingga kami terpaksa menanggung kerugian kira-kira RM10,000 apabila tanaman kelapa dan pisang yang dusahakan dirosakkan.

"Kejadian yang sama berlaku sejak minggu lalu dan kami menjangkakan kemungkinan gajah yang sama datang kembali dan merosakkan tanaman penduduk menyebarkan kami sekali lagi perlu mengagung kerugian," katanya kepada *Sinar Harian* di sini semalam.

Menurutnya, penduduk berhempas pulas untuk menanam dan mendapatkan hasil namun musnah sekecil mata dengan amukan gajah tersebut walaupun kawasan kebun yang dimiliki mereka luas.

Ketika ditanya mengenai insiatif yang telah diambil untuk menghalau haiwan tersebut, Zakaria berkata, dia dan penduduk kampung pernah menggunakan mercun bola namun tidak berhasil.

Katanya, kehadiran haiwan tersebut pada waktu malam juga mengganggu tidur penduduk kampung malah ada juga yang trauma dengan bunyi dan sebagainya.

"Kami pernah memaklumkan masalah ini kepada Jabatan Perlindungan Hidupan Liar dan Taman Negara (Perhilitan) supaya gajah tersebut dapat dilalau dan dipindahkan dari kawasan itu," katanya.



Tanaman penduduk Kampung Air Kayan, Tanah Merah yang musnah akibat dirosakkan gajah jantan sejak dua minggu lalu.